

Դեմոյան Հայկ Անուշավանի



Ծնվել է 1975թ. մայիսի 22-ին Լենինական քաղաքում:

1982-1992 թթ. սովորել է Գյումրիի թիվ 22 միջնակարգ դպրոցում:

1993-1998թթ. սովորել է Երևանի պետական համալսարանի պատմության ֆակուլտետում՝ մասնագիտանալով ազգագրության ամբիոնում:

1998-2001թթ. ընդունվել է ԵՊՀ պատմության ֆակուլտետի ասպիրանտուրա:

2001թ. պաշտպանել է «Սոցիալ-տնտեսական բարեփոխումները Թուրքիայում 1980-1990-ական թթ.» թեկնածուական ատենախոսությունը, ստանալով պատմական գիտությունների թեկնածուի գիտական աստիճան:

2002-2005թթ. դասավանդել է ԵՊՀ պատմության ֆակուլտետի Հայաստանին հարակից երկրների պատմության ամբիոնում:

2003-2004թթ. աշխատել է Լրատվամիջոցների կովկասյան ինստիտուտում՝ որպես փորձագետ:

2006թ. ապրիլ-նոյեմբեր ամիսներին աշխատանքի է անցել ՀՀ Նախագահին կից Քաղաքական հետազոտությունների ինստիտուտում՝ որպես տեղեկատվության համակարգման բաժնի վարիչ:

2004-2006թթ. հանդիսացել է ՀՀ ՊՆ ներկայացուցիչը Գուրգեն Մարգարյանի սպանության գործով Բուդապեշտում տեղի ունեցած դատաքնությունների ընթացքում:

2006թ. նոյեմբերին ընտրվել է ՀՀ ԳԱԱ Հայոց ցեղասպանության թանգարան-ինստիտուտի տնօրեն, իսկ 2012թ. հունվարին՝ վերընտրվել է նույն պաշտոնում: Հեղինակել է 10 մենագրություն և 40 գիտական հոդված:

2012թ. փետրվարի 28-ին պաշտպանել է դոկտորական ատենախոսության թեզ «Ղարաբաղյան հակամարտությունը և Թուրքիան. պատմահամեմատական վերլուծություն» թեմայով՝ ստանալով պատմական գիտությունների դոկտորի գիտական աստիճան:

2009թ.-ից ՀՀ Նախագահին առընթեր Հանրային խորհրդի անդամ է:

2011թ. ապրիլից Հայոց ցեղասպանության 100-րդ տարելիցին նվիրված միջոցառումները համակարգող պետական հանձնաժողովի քարտուղարն է:

Անդամակցում է Ցեղասպանագետների միջազգային ընկերակցությանը: ԵՊՀ կառավարման խորհրդի, Երևան քաղաքի պատմության, Ազգային գրադարանի գիտական խորհուրդների անդամ է և Հայոց ցեղապանության թանգարան-ինստիտուտի գիտխորհրդի նախագահ:

Հայոց ցեղասպանության ճանաչման գործում նշանակալի ավանդ ներդրած անձանց շնորհիվ ող նախագահական մրցանակի հանձնաժողովի անդամ է:

Պարգևատրվել է ՀՀ ՊՆ «Գարեգին Նժդեհ» և «Զորավար Անդրանիկ» գերատեսչական մեդալներով:

2013 թվականի մայիսի 5-ին Հայաստանի Հանրապետական կուսակցության համամասնական ցուցակով ընտրվել է Երևանի ավագանու անդամ:

Ամուսնացած է: